

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

Dominica XV. post trinitatis

[urn:nbn:de:bsz:31-122776](#)

Psalm. 50. vers. 14. Col. 3. vers. 17. tunc eritis aliquando in numero Deum collaudantium & glorificantium in sempiterna se-

cula, quod concedat nobis SS. Trinitas per Jesum Christum Salvatorem nostrum, Amen.

Dominica XV. post Trinitatis.

Evangelium Matth. 6. v. 24. 34.

Gen. 19. v. 26. de uxore Lothi commemoratur, quod in Sodomæ conflagratione recipiens contra mandatum Angeli, in salis statuam conversa fuerit.

Hujus historiæ Christus memores esse jubet eos, qui paulò ante mundi finem vieturi sunt, Luc. 17. v. 32. ne præpostero terrorum amore se decipi patientur, sed obliviscantur eorum quæ retrò sunt, & ad ea, quæ priora sunt, sese extendant, Phil. 3. v. 13. ideo enim Lothi uxor facta est statua salis, inquit Augustinus, ut te condias, & ad sapientiam eruditias.

Huc pertinet prælecta pericope, quæ Angelus ille magni consilii, Christus Jesus, à servitio Mammonæ omnes verè Christianos variis argumentis dehortatur, & regnum Dei ante omnia inquirere jubet, spondens fore, ut tunc reliqua omnia nobis adjiciantur.

Evangelium habet duas partes, quas breviter percurremus, ut sunt:

I. *Mammonismus.*

II. *Christianismus.*

EXEGESIS.

JJ.

IN V. T. noluit Dominus unum agrum diverso semine conseui, noluit in bove & asino sub eodem copulatis jugo arari, noluit vestimenta gestari, quæ ex lino & lana contexta essent, Deut. 22. v. 9. 10. 11. Quid putatis, vos mei, hisce legibus Deum inten-

disse? certè nihil aliud, quam id, quod Christus in Exordio Evangelii exsertis verbis afferit, quod nemo Deo simul & Mammonæ interfervire possit. Hoc qui facit, agrum animæ suæ diverso semine, nimisrum amore Dei & amore mundi spargit. Hoc qui facit, bove arat & asino, id est, duos diversos affectus habet, quibus ad terrestria simul & cœlestia aspirare satagit. Hoc qui facit, lino simul & lanâ se vestit, id est, pietatem & avaritiam in uno domicilio consistere posse sibi persuader, quod tamen fieri nunquam potest, si Christo, qui ipsissima veritas est, Joh. 14. v. 6. & sapientia, Matth. 11. v. 19. credere velimus. Nam nemo, inquit ille, nemo duobus Dominis servire potest, aut enim hunc habebit odio, & alterum diligit, aut huic adhæredit, & alterum neglet. Non potestis Deo servire & Mammonæ.

His verbis describitur *Mammonismus*

I. *Ratione quidditatis.* Vox Mammonis peregrina est, & in lingua Syriaca idem significat quod divitiae. Quando igitur Christus à mammonismo nos dehortatur, non prohibet habere vel possidere divitias. Nam divitiae bona sunt, modò absit peccatum, Sirach. 13. vers. 30. Sed servire tantum prohibet, quod omnes illi faciunt, qui cor suum divitias apponunt, Ps. 62. v. 11. & supra Deum & Dei mandata easdem extollunt, dum oculos avertunt, &

II. 2

multis

multis peccatis conscientiam suam vulnerant, Sir. 27. v. 1. hoc sit tripliciter:

1. In acquisitione, quando quis non contentus est illis, quæ Deus per ordinarios officii labores ipsi distribuit, sed per fas & nefas ditescere vult, etiam contra Dei voluntatem, & lucrum undecimque etiam ex malo acquirit, Sap. 15. v. 12.

2. In possessione, quando quis abutitur divitiis ad luxum & superbiam, sicut epulo Luc. 16. v. 1.

3. In distributione, quando tantum licentia sibi non sumit, ut de corrasis pecunias vel sibi, vel suis, vel etiam pauperibus beneficiat, hæc redditio est malitia ejus, Sir. 14. v. 6.

II. Ratione impietatis. Qui enim ita Mammonæ servit, teste Christo, à Deo deficit, & turpissimam idololatriam committit, unde Paulus avaros expressè idololatras vocat, Eph. 5. v. 5, & avaritiam idololatriam, Col. 3. v. 5, quia huic vitio addicti amorem & fiduciam cordis soli Deo debitam transfringunt ad pecunias, & dicunt obryzo, fiducia mea es, Job. 31. v. 24. quæ certè maxima impietas est, quâ homo Deum omnia habentem & dantem deserit, & ex auro argentoque idolum sibi fabricat, Os. 8. v. 4. quod tamen à morte neminem liberat, Ez. 7. v. 19.

III. Ratione vanitatis. Qui servit Mammonæ, de duobus potissimum sollicitus est.

I. De virtute, v. 25. Hos remittit Christus ad volucres cœli, ut discant ab illis

1. Confidentiali. Volucres cœli non sunt solliciti de cibo, sed manè, quando sol ortitur, Creatori suo cantilenam aliquam modulantur, postea evolant, & ecce, Deus unicuique sua granula deputavit, quibus pascantur & satientur: Ita nos quoque perfectis illis quæ ad vocationem nostram pertin-

nent, incrementum Deo committamus, ipse curam agit pro nobis, 1. Pet. 5. v. 7. & tantum dabit, quantum ad sustentationem nostram requiritur. Quis enim vidi unquam justū derelictū? Pl. 37. v. 25, Sir. 2. v. 12, qui pullis corvorum escam suam distribuit, & implet omne animal benedictione, cibū tibi, qui homo es, ad imaginē ipsius conditus, non denegabit, Ps. 145. v. 15. 147. v. 9.

2. Patientiam. Volucres sub dio vivunt, nec proprias habent domunculas quibus tegantur, nemo est, qui cibum illis projiciat, aut ulla præster subsidia, nihilominus fortunam suam patienter tolerant: Ita quilibet sorte suâ contentus vivat. Licer enim pauper sit & egenus, ab aliis tamen subsidia habebit, quæ ad vita hujus sustentationem requiruntur. Proinde jacta super Dominum curam tuam, ipse providebit, Pl. 55. vers. 23.

3. Sufficientiam. Volucres non serunt neque metunt, neque congregant in horrea, sed contenti sunt granulis, quæ hinc inde colligunt: Sic nos quoque discamus modico & pusillo, quod Deus nobis distribuit contenti esse. Id melius est super divitias impiorum, Ps. 37. v. 16. nam quæstus magnus est pietas cum animo suâ sorte contento, inquit Paulus I. Tim. 6. v. 6.

II. De amicitia, hos remittit ad lilia campi, quæ prædicant

1. Dei sapientiam. Nam considerate, inquit Christus, quomodo crescant, hoc est, quam pulchre ornata sint variis coloribus, ut omnem Salomonis gloriam vinctant: Ita pro sua sapientia vestit quoque homines, hunc purpura & byssō, ut Josephum, Daniëlem, & Mardochæum, Genet. 41. Dan. 5. vers. 29. Esth. 8. vers. 2. 15. illum melito & pellibus caprinis, Ebr. 11. v. 37. istum pilis

pilis camelorum & zonâ pelliceâ, ut Iohannem Baptistam, Matth. 3. v. 4. & Eliam, 2. Reg. 1. v. 8. quilibet veste suâ contentus sit, ut flores campi. Dedit tibi Deus hyacinthum & purpuram, noli superbire, & contemnere illum qui erudo lino operitur, Sir. 40. v. 4. Sufficit ad hanc vitam aqua & panis, & vestimentum, & domus tegens ea, quorum nos pndet, Sir. 29. v. 28.

2. *Dei potentiam.* Non laborant, ut vivi, neque nent, ut mulieres, nihilominus vestiuntur à Dco. Manus illa Dei hodie non abbreviata est, sed ipse dat linum & lanam, ut nuditatem nostram operire possimus, Os. 2. v. 9.

Quis vestivit Protoplastos, cum nullus adhuc tutor in mundo esset? Genet. 3. v. 21. quis vestimenta Israëlitatum in deserto conservavit, ut neque vetustate deficerent, neque usu quotidiano attererentur, Deut. 8. v. 4. Quis custodivit Sadrach, Meshach & Abednego, qui cum braccis, tiaris & calceamentis, & vestibus in fornacem ardorem projiciebantur, ut inviolati egressi sint, Dan. 3. v. 21. 27. Deus ille vivit adhuc, & suos vestire potest, etiam si neque nent, neque laborant, quod sâpe facit, dum huic vel illi benefactorem exicit, qui vestimenta ipsi præter omnem animi expectationem conficit, ut Josephi exemplum testatur, Gen. 41. vers. 42.

3. *Dei munificentiam.* Quid sunt lilia, quid sunt flores alii? Certè nil nisi gramen, quod hodiè est, & cras in elibandum mittitur. Nihilominus tam munificus & liberalis est Deus, ut unicuique tunicam suam induat. Quod sericum, quæ Regum purpura floribus comparari potest? quid rubet ut rosa? quid candet ut lilium? Si ergo Deus flores ita vestit & exornat, quam ma-

gis hominibus illud præstabit, quos ad imaginem suam condidit, & per filium pretiosè redemit?

Quoties igitur lilia & flores contemplaris in horto tuo, divinam liberalitatem de prædica, quam omnibus creaturis animatis & inanimatis quotidie commendat, nec dubita, quin Dominus ille, qui flores & herbas quotannis producit & vestit, tibi etiam vitæ hujus necessitatem elargitus sit, nam pascit omne animal, & implet benedictione, Ps. 145. v. 15. 16.

Videte Diligeti, quam nervosè Christus à sollicitudine victus & amictus nos dehortetur. Non prohibet curam officiosa sedulitatis, qua ab omnibus hominibus in choro, toro & foro requiritur, Rom. 12. v. 8. 1. Tim. 5. v. 8. ad laborem enim conditi sumus, Job. 5. v. 7. Gen. 3. v. 19. quem qui negligit, non manducabit, 2. Thess. 3. v. 10. Non prohibet etiam curam affectandæ pietatis, quâ quis de salute suâ sollicitus est, sicut David dolet de peccatis suis, Ps. 38. per tot. & Christus jubet nos thesaurizare thesauros in cœlo permanentes, Matth. 6. v. 20. Sed curam damnosæ incredulitatis, quæ cum diffidentia conjuncta est. Hæc est cura quam Christus improbat, quia

1. *Frustrance.* Quis enim vestrum, inquit Christus, ad staturam tuam cubitum unum potest adjicere cogitando? Deus est qui homines efformat secundum sapientiam suam, Sirac. 33. vers. 11. alios formulos, alios deformes, exemplo Rahel & Lœ, Genet. 29. vers. 17. alios statura proceræ & robustæ veluti gigantes Num. 13. vers. 34. alios humili & depressæ, ut Zachæum, Luc. 19. vers. 3. Hac corporis efformatione quilibet acquiescere debet, neque enim lutum dicit figulo, cur me sic fecisti?

De Secundo.

Rom. 9. v. 20. & si vel maximè Zachæolus aliquis in angulo sederet, miris se modis excrucians, quomodo vel unum digitulum staturæ suæ adjicere posset, nihil tamen efficiet: Ita curæ hominum sunt inanes. Deus enim cuique distribuit sua dona, & talentum dedit, quo negotietur, Matth. 25. v. 15. Ultra hoc si plura desiderat, non contentus his, quæ per ordinarios officiū labores Deus ipsi concessit, amitteret etiam id quod habet, Jac. 4. v. 2.

2. *Supervacanea.* Nam Deus Pater nōnit, quibus indigemus. Si igitur scit, quia omniscius est, & vult, quia Pater est, & potest, quia omnipotens est, cur anxiam sollicitudine corda nostra gravabimus; An non satis est, quod Deus Pater curam gerit pro nobis? Filii & servi nil curant, sed faciunt, quæ sua sunt, cætera parentibus Dominisque committentes: Nos sumus filii & servi magni Jehovæ, quin igitur curam sustentationis nostræ ipsi relinquimus? Si enim nos qui malis sumus, filii nostris bona damus, quantum magis Pater celestis dabit, quæ petierimus? Luc. II. vers. 13.

3. *Ethnica.* Hæc omnia gentes inquirunt, inquit Christus. Ex Christianis igitur Pagani sunt, quicunq; divitijs nimium inhibant. Sicut enim gentiles, quia spem non habent vitæ alterius, de bonis in hoc seculo cumulandis tantum cogitant, & si quid acquisiverunt, non benedictioni divinæ, sed suæ industriae & prudentiae acceptum ferunt: Idem faciunt avari, proinde fœdus, quod in baptismo cum Deo inierunt, abnegant, & à Deo turpiter deficiunt. Ita nimirum fœnus pecuniaæ fit funus animæ, juxta Leonem, & dum lucrum faciunt in arca, damnum reportant in conscientia, sicut Augustinus loquitur. Vide etiam I. Tim. 6. v. 9.

*L*et me ne quæderet gentiles Mammonismus dicitur fuere, i. omnes in eos moratores eumque in manu devenerunt, ut agnoverant mundanam opum vanitatem. Vid. Excerpt. sub Tit. Zeph. 2. *D*ies Mammoni super reges abz. Tit. 3. *M*ammoniæ *o*blivione.

Fuit Mammonismus, sequitur *Christianismus*, qui describitur I. xix. 2. dæv., ubi facienda, & 2. xxi. 2. dæv., ubi fugienda consideranda veniunt

Facienda quod attinet, complectitur illa Christus brevi aphorismo, qui duobus membris absolvitur, ut sunt:

I. *Præceptum.* Nam quærите, inquit, quærite primum regnum Dei, & justitiam ejus.

Duo jubemur quærere. Primum regnum Dei. Per regnum Dei intelligitur hoc loco regnum gratia & regnum gloria. Regnum gratia in eo consistit, quod Christus nos vocat ad communionem Ecclesiæ suæ, regit nos Spiritu suo Sancto, accendit in cordibus nostris veram Dei agnitionem, confert nobis bona cœlestia, remissionem peccatorum, gratiam Dei, inhabitacionem Spiritus Sancti &c. *Regnum gloriae vero est promissa vita æternæ possesso.*

Hoc Regnum Dei dicit Christus primum omnium esse quærendum, hoc est, de eo ante omnia debemus esse solliciti, quomodo in hac vita possimus Deo reconciliari, & tandem ad Ecclesiam triumphantem in celis pervenire, ut simus filii Dei, & hæredes vitæ æternæ. Ibi demum erit nostrum πολιτευμα, Philipp. 3. vers. 20. quando Christus regnum tradet Patri, & pedibus suis omnes inimicos suos subjiciet, ipse vero erit omnia in omnibus, I. Cor. 15. vers. 28. Secundò *justitiam Dei* per quam non intelligitur justitia ea, quæ Deus in se suaque essentia justus est, hanc nemini communicat, Esa. 42. vers. 8. Sed ut Paulus explicat, Rom. 3. vers. 22. justitiam per fidem Jesu Christi in omnes &

super

super omnes qui credunt in eum. Vocatur hæc justitia Dei, Rom. 10. vers. 3. quia est ex Deo, Philipp. 3. v. 9. hoc est, à Deo donatur & imputatur creditibus in Christum, Rom. 4. v. 5. Ex illa fidei justitia oritur justitia operum, quia fides si vera sit, ac viva, efficax est per charitatem, Gal. 5. v. 6. & facit, ut omnes illi, qui Christo adhaerent per fidem, crucifigant carnem cum suis affectibus & concupiscentiis, Gal. 5. vers. 24. & in hoc seculo, sobriè, justè & piè vivant, Tit. 2. vers. 12. Tandem sequetur justitia, consummata in vita æterna, ubi Deum agnoscemus, & diligemus perfectè absque ulla peccati labe, 2. Petr. 3. vers. 13.

Vultis igitur consequiri regnum Dei, justitiam etiam Dei queratis oportet, quæ unicum medium est, per quod regni Dei confortes reddi possumus, hoc sit

1. *Verbum diligenter audiendo. Examini enim fides, Rom. 10. v. 17. ex fide justitia.* Rom. 5. v. 1. ex justitia regnum Dei, Roman. 14. v. 17. qui verò boves, agros, uxorem, hoc est, terrena præferunt vocationi ad spiritualem cœnam verbi & Sacramentorum, coelestem etiam cœnam non gustabunt, Luc. 14. v. 18. 19. 20.

2. *Terrena despiciendo, Col. 3. vers. 1. 2. Ubi enim thesaurus noster, ibi Cor, Matth. 6. vers. 21.*

3. *Voluntatem Dei faciendo, Matth. 7. v. 21. Hæc autem est voluntas Dei, ut (1) poenitentiam agamus, Ezech. 18. v. 23. 33. v. II. (2) ut in Christum credamus, Joh. 6. v. 40. (3) ut fidem operibus bonis demonstremus, 1. Thess. 4. v. 3. 1. Joh. 4. 21.*

II. *Promissum, quod his verbis continet: Et hæc omnia adjicientur vobis. Omnia videlicet, quæ ad victum & amictum,*

adeoque ad vitæ hujus sustentationem pertinent. Hæc omnia Deus adjicere vult, quasi ~~admodum~~, ut græca vox innuit, als eine Quæb / si modò regnum & justitiam ejus ante omnia queramus & indagemus. Äquipollentes promissiones vide Lev. 26. v. 3. seqq. Deut. 28. v. 1. seqq. Eta. 1. v. 19. 1. Tim. 4. 8.

Licet enim pii in hac vita tantos thesauros plerunque non habent, quantos Mammonæ servi possident, tamen sorte suâ contenti vivunt, & pacatâ gaudent conscientiâ, quæ magna pars est felicitatis terrenæ in hac vita. Non enim de eo quisquam vivit, quod bona multa possidet, inquit Christus Luc. 12. v. 15. melior est bucella siccâ cum pace, quam domus plena victimis cum jurgio, inquit Salomo, Prov. 17. v. 1.

Hæc facienda sunt. Videbimus etiam fugienda, quæ v. 34. Christus admonitioni suæ breviter subiungit, ut sunt

1. *Angor animi*, quando variis cogitationibus & curis aliquis se macerat de futuro laborum suorum eventu, & Deo diffidit nō expectans in debita patientia benedictionem sibi & omnibus in pietate perseverantibus promissam. Hæc Cura & sollicitudo magna animi carnificina est. Nam mens occupata terrenis curis, semper est in angustiis, inquit Bernhardus, & quia caput melancholicum solet esse Diabolorum balneū, testatur saepe experientia, quid sollicitudo ista operetur, nimirum mortem & æternam perditionem. Ergo tristitiam non des animæ tuæ, & non affligas temetipsum in consilio tuo, &c. Sir. 30. v. 22. 23. seqq.

2. *Cura crastini.* Nam solum præsens in manu nostra positum est, non præteritum neque futurum. Illud abiit, hoc an eventum sit, incertum est. Israëlitæ manda-

tum

tum erat à Deo, ut manna colligentes tan-tum colligerent, quantum singulis diebus ad alimentum ipsis sufficiebat. Qui autem de crastino solliciti plus colligebant, nihil proficiebant, computruit enim & vermis scatere cœpit, Exod. 16. v. 16. seqq. Ita laboribus vocationis suæ quilibet fideliter incumbat, Deus non denegabit incrementum, sed tantum largietur, ut singulis diebus alimentum ipsi supperet. In præsenti igitur cura quæ tua sunt, & reliqua omnia Deo committe. Qui hodie procuravit, procurabit etiam cras. Nam Iesus Christus heri

& hodie, idem &c in secula, Ebr. 13. v. 8. unde in oratione Dominica non abundantiam divitiarum, quæ in multis annos sufficient, sed panem quotidianum nos petere jubet, Matth. 6. v. 11.

Orate igitur cum Salomone Prov. 30. v. 8. 9. paupertatem & divitias ne dederis mihi, sed tribue tantum victui meo necessaria, ne fortè satiatus illiciar ad negandum, & dicam, quis est Dominus? aut egestate compulsus, furer, & peccem in nomen Dei mei. Hæc operetur in nobis Christus Jesus, Amen.

Dominica XVI. post Trinitatis.

Evangelium Luc. 7. v. 11. 16.

II. *Adventum Christi exoptabilem.*
III. *Applausum populi memorabilem.*

J.J.

E X E G E S I S.

IN fimbriis superhumeralis, quo Pontifex in duebatur, dependebant tintinnabula auri, ut quando Pontifex ingredieretur in sanctuarium, vel ex eo egredieretur, audiretur sonus ejus, nec moreretur, Exod. 28. v. 33. seqq.

Omnes verè pii sunt spirituales coram Deo Sacerdotes, Apoc. 1. v. 6. regale sacerdotium, 1. Pet. 2. v. 9. quamdiu igitur ingrediuntur & egrediuntur coram Domino, hoc est, toto vitæ suæ tempore, in ora vestimenti sui gestare debent tintinnabula bene sonantia, ut de fine vitæ admoneantur, & perpetuò sonet in auribus & cordibus ipsorum illud Siracidis c. 7. v. 40.

Quicquid agis prudenter agas & respice finem.

Quia

MAgnum miraculum est, quod Elias Propheta perpetravit in Sarepta Oppido, dum filium unicum hospitæ suæ, quæ vidua erat, precibus suis à morte ad vitam revocavit. Cujus miraculi fama per omnes mox Sidoniorum fines divagata incolas procul dubio in admirationem & stuporem rapuit, 1. Regum 17. v. 17. seqq.

Sed longè majus tamen & illustrius est, quod cœlestis Elias Christus Iesus in oppido Nain haud procul à Capernaum sito perpetravit, ubi viduae alicuius filium unicum defunctum, & funerali processu jam ad sepulchrum elatum, verbo omnipotente & vivifico à mortuis suscitavit, suscitatumque matris suæ reddidit, ad quod miraculum tota Galilæa cum circum jacentibus regionibus obstupuit.

Nos absque ulteriori verborum circuïtione miraculum ipsum contemplabimur:

1. *Pompa funeris lacrymabilem.*